

TE HEHEMURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 12.

Ditema 1926.

Mat. 20.

*E ite atura hoi au i tei pohe ra, o te taata rii, e te feia
ararahi, i te tiaraa i mua i te Atua ra; e heua ihora na buka
ra: e heua ihora te tahi buka, oia te buka ora ra; e haavahia
ihora taua feia i pohe ra i te mau parau i papahia i roto i
taua na buka ra, i ta ratou ra mau ohipa. E ua tuu maira
te miti i te feia i pohe i roto ia'na ra, e ua tuu maira te apoo
e hade i te feia i pohe i roto ia raua ra, e haavahia ihora ratou
atou i ta ratou mau ohipa. (Apokalupo. 20:12-13)*

Te Faaroo no te Feia Mo'a Mua.

Ua iritihia teie nei parau na roto mai i te buka, Te Faaroo no te Feia
Mo'a Mau tei papahia e Tamate; Faaahia ei reo Tahiti e Ioane Orotona.

*Te faaroo nei matou e, e faautuahia te taata'toa no ta
ratou iho mau hara, e iha râ no te hara a Adamu.*

U 1. Eaha te hoê haamaitairaa i haamaitahia ai te
taata hou ratou i fauau mai ai i roto i teie nei ao?

P. Tera mai ia taua haamaitairaa ra, oia hoi, te tiamâ.

Parau Tauturu Te haapii mai nei te Ekalesia e, ua
horoahia mai te tiamâ e te Atua i te taata nei, tei ia'na te
maiti i te maitai e aore râ i te ino. Tei i te taata te haapao
e aore râ, haapao ore i te mau faaueraa a te Atua ra. I te
mau raveraa'toa i rotopu ite Atua e te taata, ua vai'hohia te
taata ia haapaohia to'na hinaaro. Ua horoa mai râ te Atua

i te mau ture e te mau faaueraa e rave rahi, mai te faaite papu i te mau maitai e roaa mai na roto i te haapaoraa i teie mau ture, e te mau iino hoi e roaa mai na roto i te haapao-ore-raa i teie mau ture. Area te maitiraa, ua vai'ho-hia ia te reira i te taata iho. E peu te haapao maitai no te taata tiamâ. Area te taata ino, ua mata'u roa oia i te ture; eiaha râ, no te mea, ua hape te ture, ahiri oia i haapao ra i te ture, ua paruru ia te ture ia'na, no to'na patoinoa-raa râ i te ture i matau roa'i oia ra.

Aita roa te Atua e faahepo i te taata i roto i te maitai, aita hoi oia e faatia, ia faahepohia ta'na mau tamarii i roto i te ino e te mau demoni. Ua tuhia te ture e te faaueraa i mua i te taata matamua i roto i teie nei ao, ua faaite-atoahia mai te utua e tuhia i nia iho ia'na a haapao ore ai oia i taua ture ra. "E amu noa oe i to te mau raau atoa o te ô nei; area i to te raau e ite ai i te maitai e te ino, eiaha oe e amu i te reira; Area râ, tei ia'oe na te maiti-rua, i te mea e, ua horoahia ia ia orua na, haamanaô râ oe, ua parau atu na vau e, "Eiaha"; no te mea ei te mahana e amu ai oe i te reira, e pohe ia oe." (Mose 3:16 Buka Poe Taoâ Rahi)

I te taima i pûpû atu ai Kaina raua Abela i ta raua tusia i te Fatu, ua riri Kaina i te mea e, aita ta'na i fariihiia. Ua haapii maira te Fatu ia'na i te na ô raa mai e, "Ia rave oe i te parau maitai ra, eita anei e itehia mai? E aore i maitai ra, te vai ra te taraehara i te uputa na. (Genese 4:7

Ia ite te taata i te maitai e te ino e tia'i, ia haere noa oia i mua, mai tei opuahia e te Atua ra. E na roto i to te taata farerei-noa-raa i te maitai e te ino e roaa'i ia tatou te reira ite. No reira hoi, i tuhia'i tatou i roto i teie nei ao. Ua haapii maira te peropheta ra o Lehi i te na ô raa mai e, "No reira i faatia'i te Fatu te Atua, ia rave te taata mai te au i to'na iho hinaaro. E aita e tia i te taata ia rave mai te au i to'na iho hinaaro maori râ, e arataihia oia e te tahi. No reira, e mea tiamâ te mau taata i te pae tino nei; e ua

horo
E e
roto
poh
mea
ihor

Sam
taea
rau-
feia
inah
faari
ite i
ia m
tuo
outo
te in

Sata
faah
parau
ia'oe
i te h
no to
U
i te m
pao-o
E
e na
te, ma
T
te taa
ta'na

horoahia mai te mau mea'toa ia ratou e maitai ai te taata. E e mea tia ia ratou ia rave i te tiama e te ora mure ore, na roto i te Arai rahi o te taata atoa, e ia imi i te tîtiraa e te pohe, mai te au i te tîtiraa e te mana o te diabololo; no te mea te titau nei oia ia roohia te taata atoa i te ati mai ia'na ihora." (II Nephi 2:16,27)

Ua na ô faahou maira te peropheta o te Ati Lamana o Samuela e, "E teie nei, e haamanaô, e baamanaô, e au mau taeae, o te pohe ra, e pohe no'na iho ia, e o te rave i te parau-ino, te rave ra ia oia i te reira no'na iho; inaha hoi, e feia tiama outou; e tia ia outou te rave na to outou iho; inaha hoi na te Atua iho mai i te ite no outou, e na'na i faariro ia outou ei feia tiama; Na'na iho mai ia outou i te ite i te maitai e te ino, e na'na iho-mai-atoa-mai ia outou ia maiti i te ora e te pohe e, e tia ia outou te rave i te maiti o faatia'i outou e te maitai, e e faahoihia'i te maitai no outou; e aore ia, e tia ia outou te rave i te ino, e faahoihia'i te ino no outou." (Helamana 14:30-31)

I te taime i faatiahia'i te apooraa i te ra'i ra, ua imi Satani i te ravea e ore ai to te taata tiama na roto i to'na faaheporaa i te taata i te haapao i to'na hinaaro. E ua parau atura oia i te Atua, "e faahoi au i te mau taata'toa ia'oe nei, ia ore te hoé e moe." Ua au ore râ teie titauraa i te hinaaro o te Atua. Maiti ihora oia ia Iesu ei Faaora no to te ao ia vai noa â to te taata tiama.

U. 2. Eaha te mea e roaa mai na roto i te haapaoraa i te mau ture, e eaha hoi te mea e roaa mai na roto i te haapao-ore-raa i teie mau ture?

P.2. Na roto i te haapaoraa i te ture e roaa'i te oaoa, e na roto i te haapao-ore-raa i tana mau ture ra, e roaa'i te mau ati e te peapea.

Te vai ra te utua no te mau hara atoa, e haavahia hoi te taata no to'na ra mau ravearaa'toa, to'na mau manaô, e ta'na parau. (Mataio 12:36) Na roto i te hoé orama i ite

ai Ioane i te haavaraa hopea, e ua papai mai oia e, "E ite atura hoi au i tei pohe ra, o te taata rii, e te feia rarahi i te tiaraa i mua i te Atua ra; e heua ihora na buka ra: heua ihora hoi te tahi buka, oia te buka ora ra: e haavahia ihora taua feia i pohe ra i te mau parau i papaihia i roto i taua na buka ra, i ta ratou ra mau ohipa. E ua tuu maira te miti i te feia i pohe i roto ia'na ra, e ua tuu maira te apoo e hade i te feia i pohe i roto ia raua ra, e haavahia ihora ratou atoa i ta ratou mau ohipa." (Apokalupo 20:12-13)

Aita te utua e horoa-noa-hia mai i te taime e ravehia'i te hara. Ua na reirahia na roto i te paari o te Atua ia tamata-noa-hia to te taata faaroo. Ahiri te taata ite e, e tairihia oia i te taime e rave ai oia i te hape, aita oia e rave i te hape, e ahiri hoi oia i ite e, e haamaitahia oia i te taime e rave ai oia i te mea maitai; ua ore to'na tiamâ, e aita roa oia e rave i te hoê mea, maori râ, te maitai anaé. No reira, na haamaorohia te faautua-raa-hia, ia tia i te taata hara ia tatarahapa e ia tupu â hoi te maitai o te taata maitai. Te vai ra te mau taime e rave rahi a faautuahia'i te taata a rave ai ratou i te hara; aita râ i na reira-pinepine-noa-hia. Ua pûpûhia te haavaraa'toa i te Tamaiti, (Ioane 5:22-23) e aita te Atua e haapao i te huru o te taata. (Ohipa 10:34) E haavahia râ te taata'toa, e faautuahia hoi mai te au i te mau ohipa ta ratou i rave.

Uiraa 3. Eaha te hara?

P. Ua na ô maira te Aposetolo ra o Ioane e, "O tei rave i te hara, ua faahapa ia i te ture; o te faahapa hoi i te ture ra, o te hara ia." (Ioane 3:4)

Parau Tauturu. Te vai ra te mau huru auraa no te parau hara e rave rahi, mai te au i te parau papai, area râ, i te mau taime atoa ua au ia i te irava i papaihia i nia nei. Mai te mea, e rave tatou i te mea tei faauehia mai ia tatou, eiaha e rave, e hara ia, e mai te mea, aita tatou e rave i te mea tei faauehia mai ia tatou, a rave, e hara'toa ia. Ua

hopo
râ te
maita

U
te ite
te tur
ore e,
hapah
faaroc
o te E
horoal
e haav

U
oia i t
mai te
aita e
Iserae
e to'na
ta Pau
hara, i
i rave
2:12)
ai te pa
edene,
haapii
faahou

Ui
P.
Ui
P.
mana c
'tu e, u
i to rat

hopoihia mai te hara i roto i teie nei ao e Satani, ua faatia râ te Atua ia farerei noa te taata i te hara, ia ite oia i te maitai e te ino, e na te reira e haapii ia'na.

Ua nehenehe ia tatou ia rave i te hara ma te ite, e ma te ite ore, e faahapahia râ te taata mai te au i to ratou ite i te ture. Mai te mea, ua ofati tatou i te hoé ture, mai te ite ore e, te ofati ra tatou i taua ture ra, aita ia tatou e faahapahia i te reira ture. E te mau taata tei pohe, tei ore i faaroo i te Evanelia, eita ia ratou e haavahia i te mau ture o te Evanelia, maori râ, te vai ra te taime i haapaohia e horoahia'i te Evanelia ia ratou, ia ore râ ratou e farii i reira, e haavahia ia ratou i te mau ture o te Evanelia.

Ua haapii maira Iakoba na ô maira, "Ua tuu mai hoi oia i te ture; e mai te mea aita e ture, aita'toa e utua; e mai te mea aita e utua, aita'toa e faahaparaa; e mai te mea aita e faahaparaa, e roaa ia ratou te aroha rahi o Tei Moá i Iseraela nei, na roto i te taraehara; ua faaorahia hoi ratou e to'na ra mana." (IINephi 9:25) Ua au hoi teie parau i ta Paulo i haapii o te na ô mai e, "O te feia'toa i rave i te hara ma te ture ore, e pohe ia ma te ture ore; e te feia'toa i rave i te hara ma te ture, e haavahia ia i te ture." (Roma 2:12) E i teie nei mau mahana hopea nei, i heheuhia mai ai te parau no nia iho i te mau taata tei pohe, oia hoi, te edene, e te mau taata'toa te ore i faaroo i te Evanelia. Te haapii mai nei teie parau e, e tia-faahou mai ratou i te tia-faahou-raa matamua. (R. F. 45:54)

Uiraa 4. O vai ma te fareri i te piti o te pohe?

P. O ratou ia te mau tamarii o te pohe.

Uiraa 5. O vai te mau tamarii o te pohe?

P. E teie mau tamarii o te pohe, o ratou ia tei ite i te mana o te Atua e patoi i te reira, e ratou tei hara noa, noa'tu e, na tae te ite papu ia ratou, o ratou hoi tei iriti noa na i to ratou aau i te Varua Maitai, e i muri a'é, tahito noa'tu i

te Atua na roto i to ratou patoi-noa-raa i taua Varua Maitai ra. E te mau taata tei haamanii i te toto hara ore ra, e mau tamarii atoa ia ratou o te pohe. E ua na ô maira Iesu e, "e mea maitai i te reira taata, ahiri aita oia i fanau mai." (Mareko 14:21)

Uiraa 6. O vai Satani?

P. E enemi Satani no te Atua, e ua parau-noa-hia oia te diabolō. (Mataio 4:5) Belezabuba, "te arii o te mau diabolō" te auaa, (Mataio 12:24); e Beliala, (II Korinetia 6:15) Ua parau-atoa-hia oia, te teni e te ophi. (Apokalupo 12:9)

Na roto i te taiōraa i te parau heheuraa e ite ai tatou e, e melahi o te maramarama Satani i te matamua, e ua parauhia oia, te Tamaiti a te poipoi. Area râ ua imi noa oia i te ravea ia riro to'na mana mai to te Metua i te rahi. Ua opua oia i te faaora i te taata'toa nei na roto i te faahepo-noa-raa ia ratou i te haapao i to'na hinaaro. E no te mea hoi, ua patoīhia teie opuaraa no'na ra, faatupu ihora oia i te orure hau i roto i te raī ra. E ua pee te hoé tufaa o te taata i roto i na tufaa e toru ia'na, oia hoi, na pee hoé tufaa ia Satani, e piti tufaa i te Metua e te Tamaiti. Ua hurihia maira Satani e ta'na mau melahi i roto i teie nei ao, e te imi-haere nei ratou i te mau ravea huru rau ia riro te taata mai ia ratou te huru, ia aratai-noa-hia ratou i roto i te poiri. Ua faahema Satani ia Eva i te matamua roa, (Genese 3:4-5) e oia atoa ia tei tuu i te manaō i roto ia Kaina, ia'na i taparahi ai ia Abela. (Buka Poe Taoā Rahi. Mose 5:29-33)

E aratai Satani no te mau Varua iino i hurihia mai i roto i teie nei ao, e oia te tumu no te mau hara'toa e rave-noa-hia nei e to te ao. Te haapeapea noa nei oia i te ohipa maitai na te taata, na roto i to'na faahemaraa ia ratou. E tia hoi ia'na ia faatupu noa i te mai e te ati e tae noa'tu i te pohe i rotopu i te taata nei. Ua faafaitohia râ to'na

man
nehe
E ua
turu
mau
haav
fifi a
hia
haav
kalu

ME
hama
faaito
nei m
rahi t
hoi m
ra, e
mea

(Eter
vaú i
Selen
mani
mato
ateat
tupua
atura

mau rave-ino-raa na roto i to te taata haapao ore. E na nehenehē hoi i te Atua ia haavi ia'na i te mau taime atoa. E ua faariro-pinepine-noa-hia to'na ra opuaraa iino ei tautururaa i te opuaraa tiā o te Atua. Ua haapaohia to Satani mau mahana, e ia tae te mahana i manaóhia e te Atua, e haavihia ia oia. E ia tae te Meleniuma e taamuhia oia i te fifi auri, e ia hope tera hoé tausani matahiti, e tuu-iti-noa-hia oia no to'na tamataraa hopea i te taata nei, ei reira e haavi-mau-hia'i oia ia ore oia ia haapeapea faahou. (Apo-kalupo 20:1-10)

Te Mahana Faaineineraa

TE FAAROO NEI matou e, eiaha e eiā, eiaha e haavare, eiaha hoi e taiata, e aau maru râ, e te viivii ore, e te hamani maitairaa'tu i te taata'toa. E ia na o matou i te faaiteraa'tu, te pee nei matou i te aóraa a Paulo, te faaroo nei matou, e te tiaí nei hoi i te mau mea atoa nei. E rave rahi te mau mea i faaoromaihia e matou, e te hinaaro nei hoi matou e, ia itoito matou i te faaoromai i te mau mea atoa ra, e mai te mea te vai atura te hoè mea tia ra, e te mau mea roo maitatai ra, e feruri maite â ia matou i te reira.

A taió tatou i te parau i papai i te Buka a Moromona, (Etera 3 1-16) "O te rahi o taua mau pahi i taraihia ra, e vaú ia. Haere atura te taae o Jareda i te moá i parauhia Selema, no to'na teitei rahi taua i'oa i topahia ra, e ua hamani ihora oia i na ofai rii e hoé ahuru ma ono no roto i te mato tarapapehia ra; e ua mâ e ua ateate hoi mai te hió ateate ra; e ua hopoi aéra oia i roto i tana rima i nia i te tupuai moá ra, e ua tiaoro faahou atura i te Fatu, no ô atura.

“E te Fatu, parau aénei oe e, e haaatihia matou i te pape pue ra. I teie nei, e te Fatu, inaha, eiaha oe e riri i to tavini nei no to’no paruparu i mua ia oe na; ua ite papu hoi matou e, e moá to oe, e to oe parahiraa tei te mau raí ia, e e mea au ore matou i mua ia oe ra; no te hiáraa ra, ua ino â to matou huru, area, e te Fatu, ua horoa mai oe i te hoé faaue na matou nei ia tiaoro atu matou ia oe e tia’i, ia noaa mai ia matou ta matou i hinaaro no ô mai ia oe na.

“Inaha, e te Fatu, ua tairi maira oe ia matou no ta matou mau parau ino, e ua tiahi atu oe ia matou, e ua parahi matou i te medebara i teie nei na matahiti e rave rahi; area râ ua aroha mai oe ia matou ra. E te Fatu, a hió mai na oe ia’u nei ma te aroha, ia fariu ê to oe riri i teie nei feia no oe, e eiaha oe e faatia ia haere atu ratou i nia i teie nei moana riáriá i te pouri, a hió mai na râ i teie nei mau mea ta’u i hamani no roto i te mato tarapape ra.

“E ua ite au, e te Fatu, e mana hope to oe, e ta oe i hinaaro i te rave no te faufaa o te taata nei, e tia ia ia oe; no reira, e te Fatu e, e faatiaia anaé i teie nei mau ofai ma to rima, e e faariro ei mea anaana, ia anaana mai i nia ia matou i roto i te mau pahi i taraihia e matou ra, ia roaa ia matou te maramarama a haere ai matou i raro i te moana.

“Inaha, e te Fatu, e tia teie ia oe. Ua ite matou e e tia ia oe ia faaite mai i te puni rahi ra, e mea iti râ ia i te manaó o te taata nei.

“E oti aéra te taeae no Iareda i te parau atu i teie nei mau parau, inaha, ua faatoro maira te Fatu i tana rima, faatiaia tataihoê ihora i te mau ofai i tana rima: e ua rave-ê-hia ihora te paruru no nia i te mata o te taea o Iareda, ite atura i te rima o te Fatu; e mai te rima taata nei to’na huru, mai te tino ió e te toto; mairi ihora te taeae o Iareda i mua i te Fatu i roohia hoi oia i te mataú.

“E ite aéra te Fatu i te taeae o Iareda e ua mairi oia i te repora; e ua na ô maira te Fatu ia'na, A tia, eaha oe i mairi ai?

“Ua na ô atura oia i te Fatu, Ua itea ia'u te rima o te Fatu, mataú ihora oi tairi oia ia'u; aita hoi au i ite e e tino ió e te toto to te Fatu ra.

“E ua na ô maira te Fatu ia'na, No to oe faaroo i ite ai oe e e rave au i te tino ió e te toto no'u iho; e aore roa te taata i haere mai i mua ia'u ma te faaroo rahi e au i to oe ra. Aita hoi i na reira, aita atoa oe i ite i tau rima nei. Ua ite atu â anei oe?

“Na ô atura oia, Aita, e te Fatu; a faaite mai ia oe iho ia'u nei.

“E ua na ô maira te Fatu ia'na, E faaroo anei oe i ta'u e parau atu?

“Na ô atura oia, E, e te Fatu, ua ite hoi au e e parau mau anaé ta oe e parau, e Atua parau mau hoi oe, e aita e tia ia oe te haavare.

“E oti aéra ia'na i te parau atu i taua mau parau ra, inaha, ua faaite maira te Fatu ia'na iho ia'na, e ua na ô maira oia, No te mea ua ite oe i teie nei mau mea, ua ora oe i te hiáraa ra; no reira i faatae-faahou-hia'i oe i mua i tau aro; no reira e faaite atu ai au ia'u iho ia oe na.

“Inaha, o vanu tei haapaohia mai te tumu mai â o teie nei ao ei faaora i to'u feia. Inaha, o vanu o Iesu Mesia. O vanu te Metua e te Tamaiti. No'u nei e roaa'i i te mau taata atoa, o ratou te faaroo i to'u i'oa, te maramarama e a muri noa'tu; e e riro ratou ei tamarii tamaroa e ei tamarii tamahine na'u.

“E mai te matamua mai â e tae noa mai i teie nei, aita vanu i faaite atu ia'u iho i te taata ta'u i hamani, no te mea mai te matamua mai â e tae noa mai i teie nei, aore to te taata e faaroo ia'u mai te au i to oe ra. Te hió na anei oe

e ua hamanihia'i te mau taata atoa ra i to'u iho huru.

"Inaha, o teie nei tino ta oe e hió nei, o te tino ia o tau varua; e ua hamani au i te taata i te huru o te tino o tau varua; e i te huru ta oe i ite ia'u i te varua nei e tae atoa vau i tau feia i te tino ra."

Na roto i to tatou taióara i teie mau parau i papaihia i nia nei, ua papu ia tatou i te huru no te mau haamaitairaa o te Atua, e no reira tei ia tatou te hiópoaraa i te mau vahi faufaa i roto i te reira mau parau.

(Tuatihia teie nei parau.)

PARAU FAAITE

Na te feia moá atoa no te Ekaretia a Iesu Mesia i te Feia Mo'a i te Mau Mahana Hopea Nei, e ratou atoa o te taio i teie nei parau. Ua riro teie nei parau ei faaiteraa papu ia outou e, ua tiripunahia Teru Parae á Vanaga mai te au i te mau ture no te Ekaretia e ua paraehia to'na i'oa i nia i te mau buka atoa na te Ekalesia a Iesu Mesia i te Fei Mo'a i te Mau Mahana Hopea Nei.

Papaihia e, Alama Buratona, Peretitini

Te Mau Parau Apí

Ua tae mai te hoé parau apí no te fenua Iapone. Te na ô mai ra taua parau ra e, ua itehia e ratou te hoé vahi hau i te hohonu i te mau vahi atoa no te moana. Ua faito te hoé pahi tamaí no te Marite i te hoé vahi fatata roa i te motu i parauhia Kurele, e vaú tautani pae hanere metera te hohonu no taua vahi ra. Ua faito fashon te hoé pahi tamaí no te Iapone i te hoé vahi fatata roa i te motu Bonina e e iva tautani maha hanere toru ahuru e ma pae metera te hohonu no taua vahi ra. No reira ia feruri tatou, ite ihora tatou e, e vahi hohonu roa taua vahi ra, e mea fatata i te onoraa i te maile te hohonuraa no te reira.

Te vai ra i te fenua Amerika e piti ahuru tantani fare
eataraa no te hohoá. E tae i roto i taua mau fare ra i te
mau mahana atoa, mai te huru i te piti ahuru milioni taata.
Ua haere te moni i pau ai i nia i te birioni (1,000,000,000)
para i te matahiti hoé.

Ua faatiahia te hoé parau faaaui i ropu i te fenua ra o
Purutia e i ta'na arii tahito ra, o Viliamu. E te faatia nei
taua parau ra ia hoo te hau Purutia i te mau fenua e te mau
are tahito no te arii tahito. E horoa'tu te hau ia'na e 250-
00 tâ fenua e e 15,000,000 mareko e aore râ 3,750,000 dara,
moni Marike, no taua mau faufaa tahito ra.

Te vai ra i te fenua Amerika i te mataeinaa ra o Logan,
e hoé tumu raau tahito roa. Ua manaóhia e te mau taata
aari e, ua tae taua raau ra i te toru tantani pae hanere no
to'na ra matahiti. I to Iesu parahiraa i te ao nei, ua tae
taua raau nei i te tantani pae hanere no to'na ra matahiti.
Ua te hoé taote rahi i hou ai te hoé apoo i roto i taua raau
nei e oti aéra na'na iho i taió i to'na matahiti.

Ua itehia te hamaniraa i te ahu api roa e te hoé taata
arani. Ua hamanihia taua ahu ra na roto mai i te huru-
huru renanima. Ua ravehia te huruhuru, raahia aéra e
taua taata iho ra, e ia oti i te reira hamani ihora oia i te ahu
na roto i te taviriviriraa i teie huruhuru nainai roa ra. E
ua ahu nei, e mea maru roa ia. Ua ite tatou i te huru no
selita mau, ua hau i te maitai teie ahu apí i te reira, e e
paa i taua ahu apí nei te mau huru apí roa e te nehenehe
oi tei ore i itehia i roto i to tatou mau ahu tahito.

I te avae Setepa i maere aénei ua tupu te hoé ati i te fenua Mexico, e ua haamouhia te tahi mau taata e te tahi atoa mau fare no taua fenua ra. Ua manaóhia e te mau taata faatere hau no taua fenua ra, e piti milioni e pae ahuru dara te rahiraa no te faufaa i pau ai i roto i taua ati ra.

I te mahana vaú no Atopa ua tae te hoé ati mataí rahi i te mataeinaa ra Miami, i te tufaa fenua Florida i Amerika. Te hoé vahi arearearaa ia. Ua pohe roa e toru hanere hitu ahuru e ma piti taata i roto i taua ati rahi ra, e ua mauui e ono tautani e piti hanere vaú ahuru e ma hoé taata. E ua haamouhia i roto i taua ati rahi ra e hoé ahuru e ma hitu tautani vaú hanere vaú ahuru e ma maha utuafare. E oti aéra taua ati rahi ra, ua tupu te hoé orure hau i rotopu i te mau taata ereere e i te mau faaehau Amerika. Ua pupuhihia e na taata faaehau e toopiti e na pupui-atoa-hia e na taata ereere e tootoru.

Te ora noa nei te hoé vahine ruau roa i te fenua ra Amerika, i te mataeinaa ra o Niu Ioka. Ua tae oia i te hoé hanere hoé ahuru e ma hoé no to'na matahiti. Ua fanauhia oia i te 4 no Me i te matahiti 1815. Te vai noa ra te itoito rahi i roto i to'na tino. E ara oia i te mau poipoi atoa mai te hora pae e te afa. Tamaa oia e ia oti i to'na tamaaraa, faanehenehe i hora oia i to'na iho utuafare. Aita roa oia i paruparu i te raveraa i te ohipa, au noa oia i to'na iho mau ahu e taiónoa oia i te mau buka e te mau parau maitai. I te matahiti i maere aénei ua tupuhia oia i te hoé maí, e ere râ ia i te maí rahi roa, area râ, ua tapuhia oia e te taote; piti noa iho mahana to'na faearaa i nia i to'na roi, e i reira tia faahou mai oia i nia ma te itoito e haamata faahou oia i ta'na ohipa no te utuafare.

Aima G. Burton Imprimeur,

Rue Brea et de la rue Dumont d'Urville, Orovini, Papeete